


Naoshanao wui Bible khuiramili



Kazingram, Varewui Khamatha shimna



Kapime: Edward Hughes
Khararchan hangme: Lazarus

Khalatme: Gideon Sareo
Maname/Sashokme: Sarah S.

Kharachan 60 wui eina 60

www.M1914.org

Bible for Children, PO Box 3, Winnipeg, MB R3C 2G1 Canada

Nana Khararchan bing hi Namkakhui kala namkashok sapaira, nana yorkaza masami akha.

Tangkhul

Jesuna okathuili leilakha Ana sakhangatha bingli kazingramwui maramli hangmiya. Ana chili "Ishava wui shim" da hoi, Kala shimchili ka kachungkha lei. Ka bingchi haklaka, shimchi mathalaka. Kazingram chia okathui wui shimli hakmei kala mathameikhara.



1

Jesuna hanga, "Ina nathumwuiwang pam angaran ura. Kala nathumwuiwang pam angaran hailaga nathumli rahokhuira I masana."




2

Jesu kazingram kalak haowa, kathi eina ringkashok wui thili. Awui sakhangathabingna yangpamdalailakha, Jesuli khuikahaowa, kala muiyana khayin haida matheirar thuwa.




3

Chiwui eina thuilaga Vareshibingna Jesuna ralura kachi tuingashit chi phaninungchingdalei. Jesuna hanga, Ana kasuirak eina latungra, mibingna maphaningkasa tamli.




4

Kha A mararanglaga thikahai vareshibingva kathara? Bible wui athisurda athumbingchi Jesuwuili hengsada vangasopam hao iji. Phasarin horkahai eina Proholi okthuirumra.




5

Biblewui naomeikap kaja lairik, Phongkhameli, kazingram kayakha matakha khala kaja hanghaidalei. Matakha kameithui kachi chia, amansaklak eina, kazingramchi Varivara wui shimnada chithei. Varivara apam kachida lei kha Awui wungpam kazingramna.




6

Kazingrao kala khangatei kazingramwui mangla kapai yurbingna kazingramli Vareli khorumma. Chi ngaraicha eina Varewui mibingna thihaida kazingramli vakahai athumnala sapapamma. Athumna Vareli masot kachikat laa sai.




7

Hili tuikhurbinghi chitheili athumna sakahai laa akhawui eina: MATIK KACHA CHI NALAKA, KAJA NAWUI ASHEE MANGA EINA SHANG KACHIVA, MIYUR KACHIVA,




8

KALA NGALEI KACHIVALI
KANMIHAIRA KALA
WUNGAO KALA PANGMON
SANGASAKTA VARELI
OTRAM NGATHARA.
(PHONGKHOME
5:9)




9

Biblewui lairik ana akatangli kazingramli "kadhar
Jerusalem" da kapihai. Chi kapai kahak maningmana,
ayarli phakho chuila eina sahai. Phakho chi jasper
ngalung kala kalarangayot katha mathinglakahai ot
eina sai.



10

Sina katha kala amankasak ngalung eina phakho chi
farorda saphoka. Machu kachungkha eina horshoka.
Chiwui keinung avava wui ngavei chi
hakilakahaikhaying akha eina sai.



11


Chiwui kahakva khayingwui ngavei chi kashung
mangavamana. Se alungli zanglaga kuimareida
yangsa... ee yah veh! Kazingram hiya alungli
mathameikharli. Keinungchi kasenga sina eina

semma, khamathing
mingshen thai.
Shongfa eina
tangda sina
eina semma.




12

Khamatha kong, mathingrikahai kharinga tara
Varewui wungpamkhong eina longshoka. Kongwui
ayar lakhavak kharingwui thingrong phorra, chia rida
Eden kaho yanguili samphanga. Thingrong china
atheiyur tharadakhani mathei, kachang kachida
atheiyur ngateida mathei. Kala chiwui thingnah
miyurbingwui kazat raikhavaina.




13

Kazingramli hormikhavai zimikla kachangla
khikha masavaimana. Kaja Varewui tekhamateina
matakahakai kahor ngasada chipemmia. chili ngaya
kaho mavaimana.




14

Kazingramwui sayurbing eina tangda ngakheikhangna. Athumli semi tammi haida mashit ngaroklak eina ngasopamma. Ramfa eina yanaobingchi khawo phasai rumma. Khareikazingkha eina tangda seiwui thada lanji phasai. Prohona hanga, athumna khamala sakaja mavaimana la mashiman ngasakmara Iwui kaphung katongawui eina.



15

Ithumna ngashan khayang tharanli, ithumna kazingram eina kathei samphanga chia hibing maleisa mana.



Malungkhavat khonkashi mangavamana.


16

Khipakhala khangama khangashao kala kakharam masamana.



17

Khamongli sho kasang mangavamana, kazingramli khali kasa maleimana. Kakapik, misakathat, laiwa kasa,



kala makaphami maleimana. Kachilila morei kaho kazingramli maleimana.

18

Kazingramli Vareli ngasokapam chara kata kaho mavaima. Marakhali, Varewui mibingna kakhanang kachungkha samphanga okathui hili ringlakha. Kazingramli Varena chara mitmiser haora.



19

Kazingramli kathi kaho mavaimana. Varewui mibingna Proholi ngasoda katang mavaimara. Kakhanang mavaima, kachap mangava, khangashei maleima. Kakaza malei, khangapak mavai, kathibing wuivang Kathichizan khangahot kasa mangavama. Misaikorana kazingramli katang mavaila ringpha.



20

Saikorali phameikap kaje chia, kazingram hi mayarnao kala shanao bingwuiwangna (kala khararnao bingwui wangla) Jesu Christali Iwui huikhame Proho lakka da shitsanga kala kahang khangana bingwuiwangna.




21

Kazingramli yaonaowui kharinga lairik hoda akha lei. Mibingwui mingna pentinghaiya. Nathum mathei khipalongwui kapihai marao? Chia Jesuli shitkasang bing mangna. Nawui aming zangsa rala?




22

Biblewui khanaowa tuiyar kazingramwui apongli kahang chia matakak kahai khangahot tuina. "Kala mangla eina makham kahaiva na hanga, 'Ralu!'"



23

kala shakakhui bingna hangra 'Ralu!' kala rakazang bingna ralu. Kala ningkachangmi saikorana kharingawui tara khalem eina samphangra.



24

Kazingram, Varewui Khamatha shimna

Bible li khararchanbinghi, Varivara wui tui eina samphanga

John 14; 2 Corinthnao 5;
Phongkhame 4, 21, 22

"Awui tui ungzang eina kahor shoka."
Laa 119:130

Varena thei ithumna makapha ot sakahai, Chili Ana morei hoi. Moreiwui tandi chia kathina.

Varena ithumli leishina kahai wuiwang Awui naomayara Jesuli chihorai, ithumwuiwang eina khrushli tandi samphangda thimi. Jesuna ringshokluishita kazingramli kahaowa! Ara Varena ithumwui morei pheomishappa.

Nana moreiwui eina maingarei thuingai akha, Vareli hithada hanglo: Leikashiya Vare, ina shitsanga Jesuna iwuiwang thimi kala ringshokluishita. Lumashanmida iwui mirinli ramilo kala morei pheomilu, chieina Ina mirin kadhar leipaikhavai, kala chiwui eina katang mavaila nali ngasopam khavai. Nawuinao ngasada okthui thei khavai ngachonmilo. Amen. John 3:16

Bible palaga kala Vareli thangkachida changgazeklu!